

**CHOKWE - "Who will deliver me?"**


## **YIYA MANGULAMWINA ?**

Lumbingo umwe nambulwile Sango Lipema mu chihunda cha mwata wa Lessouto. Chizavu chinene hamuwika ni mwata wa chifuchi achi ni pwo lienyi, alikungulwile mukwivwa Liji lia Zamb. Liji lia mwono likwete ndundo ni liambuka kuhiana Katana katwilo jaali, watuwile chikolo mukachi ka mbunge ja akwakupanjika.

Shimbu te mungwambujola nawa, Pwo lia mwata munene wa mwalia yaputuka kulila ni kulihilahila. Masoji asulumukine ha matafu jenyi, wakatukile kumana, yakololoka "Yiya mangulamwina?" Ngukwasenu kama ngunalembe, mbunge yami ngunayivu yikola lume, ami nguli mutu chiswale ni mukwalamba! Yiya mahasa kungukwasa? Yiya mangulamwina kuupinji awu upi wa shili? Chika changutamba kulinga? Nunanguningika eswe. Nguli Pwo lia mwalia wa mwata ni nguli nawa waha mapwo waze akulemba.

Nguli mu Eglise kuhiana miaka makumi ali (20 ans), alioze yuma yeswe ayi kuya ngulingilile nichimwe; kuyahashile kungutusula; ngunakashiwa mu

### **YIYA MANGULAMWINA ?**



shili, nguli mukwakunwa chinji, ni mukwakushha. Moko jami aluchisa ni api, mumu hanalingi walwa kunwa achi chashingiwa! Shili hinangukase ku moko ni ku molu, ami nguli mukwalukano wa Ngehena.

Kuhwa nawa yalila chikolo, kupwa muze yatwama ni yatetwoka, ngukwasenu, ngukwasenu! Yiya mangulamwina, yiya mangutusula mu malenge ano ashili? Nazanga Zambi, alioze shili yangulimbimba ni yanguchiza hashi kuya mukahia. Nashihile mwanami wa lunga mutangu, napwile ngunazengewa shimbu ngunamumbata munyima yami ni ha kuzengewa chami, nalimbukile ni kulilangumuna hashi ni nawondele mutwe wa mwanami wa zango ni wafwile. Ngukwasenu ngunalembe, ngulamwinenu kuufwe awu! Upakano ku wa ngukwashile ka. Chikungulwila kucha ngukwashile kaa. Yiya makeza hanga angukwase?

Yiya mangulamwina? “Nakumbulwile” ngwami vumbi lipwe hamwe nyi yena, kanda ulipikala kaa, lamba lie, lili lia atu eswe. Mukanda wa Zambi, Biblia, yinakumbulula kukulila cha mbunge ye. Ma versets 15 ni 25 ya Kapetulu wa muchishimbiali wa mukanda wa Roma 7:15-25, yinatulweze kuchi shili ya kukumba hali yetu, alioze kuyinatulweze nawa mutu yoze mahasa kutulamwina.” Che chipema ngunanyingika, kanda wusa mbunge ye muli yami, che kwamba mukachi ka musunya wami nguli ni zango, alioze chishi ni chiyulo cha kulinga yipema. Mumu chishi kulinga yipema yize nazanga ni nakulinga yipi, yize chishi kuzanga “Shili yatwama muli yami yakungutachika kulinga upi matangwa eswe, nyi upeme wuze nazanga kulinga lume chishi kuulinga kaa, nakufunga shimbi ja Zambi kulita ni mutu wa mukachi, alioze muli mukachi ka yilio yami shimbi yimwe yeka ya kuzwela ni shimbi ya zango liami, ni ya kungupwisa funge wa shimbi ya shili. Hapwila chipwe kulutwe kulila achi muchikaheta mu mbunge ya umwe ni umwe.” Lamba liami! Yiya mangulamwina? Ni mutulilila kuli Zambi, kumatukumbulula ni kumatulamwina.

## KUMBULULO

*“Ngunasakwilila Zambi muli Yesu Kristu Mwene wetu.” Roma 7:25.*

*“Kachi kashika mwe Mwene manutusula, kachi kumunukatusuka chamwenemwene.” Yoano 8:36.*


Yesu kali chikumbululo kuyihulo yetu yeswe. Chikumbululo ku chihulo che. Ulamwino wa kuhi mu jina lieka nilimwe: chatutamba kulilamwina natio? (Yilinga 4:12). Yesu wika nahase kutulamwina ku shili jetu, Manyinga jenyi wika waze amwanganyine ha kulusu anahase kututomesa ku shili jetu jeswe. Wakwihiko, chimbuki wakwihiko umbuki, wakwihiko nganga, wakwihiko mutu, wakwihiko Longeshi, chipwe mukwa maliji auzambi, yakwihiko Eglise muyihasa kukulamwina ku shili. Yesu wika Mwanapanga wa Zambi wachiza shili ja hashi nahase kukulamwina ku manyinga jenyi

ni ku chiyulo ni Spritu Musandu yenyi (Mwiku wa kulinanga).

Yesu Mwana wa Zambzi wejile hano hashi ni kulawisa meso ja tupuputa, kuchiza funge ku zuwo lia Ususu, ni waze anatwama funge mu milima. (Izaia 42:6-7). Yesu yamba ngwenyi mweswawo wa kuvulumiona yiye ndungo ya shili, alioze kashika mwe Mwana wa Zambzi manutusula, kachi munukatusuka chamwenemwene. (Yoano 8:34-36). Yesu yiye umwenemwene wakutusula, Yesu mwe Mwana wa Zambzi wa mbachile shili jetu jeswe hali lye mwene ha Kulusu. Shili je hanajihachila ha kulusu.

Chamwenemwene hanambata chikulikuli chetu hanazundula yinyengo yetu, amulemekene ha uhenge wa yetu amuwondele lamba liamushachile lia kutunehena yetu sambukila, ni ha mbandu jenyi hitunahinduka. (Izaia 53:3-7).

## KUSAKWILA KULI ZAMBZI MULI YESU KRISTU



*"Kachi kashika mwe Mwana manutusula, kachi munukatusuka chamwenemwene."* Yoane 8:36.

Barrabas wapwile chivulumunyi ni mukwakushaha, amukashile ndo kukufwa watelele kuhachila ha kulusu, alioze Yesu wa tambwile chihela chenye ni wa mbachile kulusu, helu lihaze Barrabas ambile kufwa. Yesu mwe Mwana wa Zambzi amuhachililile ha kulusu homa lia Barrabas, homa lia yena ni homa lia yami, mbandu japwile ja kutusuka mumu weka umwe wafwile hachihela chenye. Yenu ni yami, kutuli Barrabas fweto ya shili, yili kufwa,

alioze chawana cha Zambini mwono wa mutolo muli Yesu Kristu. Kachi munutala ni ufulielo Kulusu ya Kristu, munukalimona yenwene ni shili jenu ja kuhachila ha Kulusu. Yesu hanatambula chihela che ha Kulusu, hanga yena ukapwe ni mwono wa matangwa eswe. Wa mwangine manyinga jenyi ha ukonekeno wa milonga yenu. Mumu Zambini wa zangile chikolo hashi wa hanyine Mwanenyi wa wika hanga enu kunuchi katoka nichimwe, alioze nukapwe ni mwono wa mutolo.

Muze pwo lia mwata wawwile maliji ano, wafulielele lume muli Yesu ni kuhana mbunge yenyi kuli yoze wawwile mumu wa yiye ha Kulusu ni wa mwangine manyinga jenyi alemu Mumu wa kutomesa mbunge yenyi ku shili yeswe. Yahana mbunge yenyi ya to ni shili kuli Zambini ni Zambini ya mwaha mbunge yaha ni wayizalishile ni Mwiki wa kulinanga wenyi. Hi mumu wika wa mukonekenene milonga yenyi yeswe, alioze wa mulamwinyine ku chiyulo ni ku upinji wa shili. Katu haze miaka yinji kanatwama ni mwono upema, mutoma ni wa kumba. Keshikunwa nawa walwa kaa, keshi kunwa makanya chipwe kwakwata kaa, kanatwama ni mwono upema kali chela kanapayima ni umwenemwene. Chasoloka ngwe kachi umwe kali muli Kristu, yiye chitanga chaha, yuma yikulu hiyinahu, talenu yuma yeswe yinapu yaha. (2 Korindu 5:17).

Yena nawa sepa mukwakutanga, unahase hanji kukasunuka ha ufulielo muli Yesu Kristu. Mwe Mwane Yesu kanambe "Tweyenu kuli yami enu-eswe akwakuzeya ni kulemewa ni mungukanuhwimisa. Tweyenu kuli Yesu, ngwe chize nuli ni kweswe nuli. Hanenu upikalo wenu weswe kuli lye, kechi kanuhilwisa kachi munukundama kuli lye ni mbunge yimwe ya kuliumba, alioze fulielenu. Kuuli hanji mukulu wa mu Eglise, alioze unakashiwa mu shili. Tweya kuli Yesu, kumakukasununa ni kawashi, ngwe chize ahindwishile mu kwa mbumba ni kapuputa, Yesu kali nawa yoze mwene ni nahase kuhindwisa mbunge ya kumakuka ni kwatusula funge. "Mwe lye kakukonekena uhenge wami weswe, kakuwuka misongo ye yeswe." (Masamu 103:3).

Muze muukahana mbunge ye kuli Jesu, hanjika nawa kuli akwo hali yoze hakulamwina. Etu nawa, tunazange kumona ni kwivwa sango je.

*J.R. Gschwend.*

---

Pour obtenir gratuitement de la littérature évangélique, des livres et des traités en plus de 540 langues, écrivez à:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(Une Mission de Littérature évangélique financée de dons)

(Reg. No. 1961/001798/08)